

SPEAKER : Han sawi hmasak duh ka nei a. Kan thutna chungchangah khanin, a huho deuh leh engemaw thut dan duh zawngte pawh kan Legislature Party-te hovin in rawn nei a. Amaherawhchu, kan House hi Department lamina an mike fix dan hi hetiang hian an lo fix a. Tun session dawn maia han tihdanglam kha a theih loh a. Amaherawhchu, Session lehah chuanin ngaihtuahna thar tha zawka tih hman kan inbeisei a, a theih chin chin chu. Ruling Party-te pawh han thutkhawm deuh emaw, tin, kan duh danah phei chuan heti laia tlar hnuhnung ber khi chu tihruah rihte pawh kan duh a. Mahselangin, mike kha fix a nih loh avangin tuntum atan chuan khatiang khan kan han ti lo thei lova. Kha kha Member ten min ngaihthiam kan duh a.

Tin, chulovah chuanin, hei, vanduaithlak takin kan Member-te zing ami, tuna rawn kal ve thei lo, harsatna kawng hrang hrang atangin kan nei a. Brig.T. Sailo hi hmannah a tlu sual a, mahse, ngaihtuahawm a ni lova. A hmaite a la vung a, mi zinga han inlan hleitheiah a inngai lova, a la duk tluk mai a, chu chu a kal theih loh thu min rawn hrilh a.

Tin, Pu Hmingdailova Kiangte hi a damlova, a kal theih loh thu min rawn hrilh a. Tin, Pu S. Laldingiana hi Delhi lamah an nu damlo a kalpui a, a kal theih loh thu min rawn hrilh a. House-in kan remti mai lawm ni, Aw, remti maw ? A lawmawm e.

His Excellency, the Governor of Mizoram thusawi kan ngaihtla zo ta a. A copy kha han sem ula, kan Member-te han pe hlawm ula. A copy kan nei vek tawh bawk a. Governor thusawi chungchanga lawmthu sawina "Motion of Thanks" Pu T.T. Zothansanga, Hon'ble Member hnen atangin kan hmu a. Tunah move turin i lo sawm ang.

PU T.T. ZOTHANSANGA : Thank you Mr. Speaker Sir. With your permission, I would like to move Motion of Thanks on the Address of His Excellency Lt. Gen. (Retd) Madan Mohan Lakhera, PVSM., AVSM., VSM, Governor of Mizoram 'that the Members of the Mizoram Legislative Assembly assembled in this Session are deeply grateful to the Governor for the Address which he has been pleased to deliver to the Assembly on the 17th day of March, 2009' Thank you.

SPEAKER : Tunah khanin Pu T.T. Zothansanga'n 'Motion of Thanks' a rawn move ta a, support-tu heta rawn thehlutah hi chuan Pu R.L. Pianmawia a ni a, support-tu kan awm em ?

PU R.L. PIANMAWIA : Mr Speaker Sir, I second the Motion. Thank you sir.

SPEAKER : Tikhan 'Motion of Thanks' kha move a ni tawh a, thlawptu pawh an awm bawk a. Hun remchang dangah kan la ngaihtuah leh dawn nia. Business kha chu Hon'ble Member ho kha an la rawn thawn leh mai ang chu maw. Awle, vawiin atan kan Business kan zo ta a, kan chawl rih ang a, naktuk ni 18.3.2009 (Nilaini) zing dar 10:30 ah kan thukhawm leh dawn nia.

Sitting is adjourned. 10::53 A.M.